



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐ

Հ Ր Ա Մ Ա Ն

ԹԻՎ 33-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ԿՈՂՄԻՑ ՍՈՑԻԱԼԱԿԱՆ ՑԱՆՑԵՐԻ
ՀԱՄԱՊԱՏԱՍԽԱՆ ԲԱԺԻՆՆԵՐՈՒՄ ԿԱՐԳԱԲԵՐՈՒՄՆԵՐ
ԻՐԱԿԱՆԱՑՆԵԼՈՒ ՀԱՇՎԱՌՄԱՆ ԳՈՐԾԸՆԹԱՑԸ ԿԱՆՈՆԱԿԱՐԳԵԼՈՒ
ԵՎ ԴՐԱՆՑ ՏԻՐԱՊԵՏՈՂ ԱՆՁԱՆՑ ՑԱՆԿԸ ՍԱՀՄԱՆԵԼՈՒ ՄԱՍԻՆ

Ղեկավարվելով Հայաստանի Հանրապետության վարչապետի 2023 թվականի մարտի 14-ի N 270-Լ որոշման հավելվածի 19-րդ կետի 20-րդ ենթակետով և նպատակ ունենալով ապահովել Հայաստանի Հանրապետության վարչապետի 2023 թվականի դեկտեմբերի 7-ի N 02/14.30/42151-2023 հանձնարարականի 3-րդ կետի կատարումը՝

Հ Ր Ա Մ Ա Յ ՈՒ Մ Ե Մ՝

1. Հաստատել.

1) Հայաստանի Հանրապետության ներքին գործերի նախարարության (այսուհետ՝ ՆԳ նախարարություն) սոցիալական ցանցերի էջերի, դրանց գրանցման և շահագործման նպատակով օգտագործվող էլեկտրոնային փոստերի, հեռախոսահամարների ցանկը՝ համաձայն N 1 հավելվածի.

2) սոցիալական ցանցերի էջերի ադմինիստրատիվ օգտագործողի մուտքանունների և գաղտնաբառերի գրանցամատյանի ձևը՝ համաձայն N 2 հավելվածի.

3) սոցիալական ցանցերի էջերը շահագործող անձանց ցանկի ձևը՝ համաձայն N 3 հավելվածի:

2. Սահմանել, որ՝

1) սույն հրամանի 1-ին կետի 1-ին ենթակետով հաստատված ցանկում ներառված սոցիալական ցանցերի էջերի ադմինիստրատիվ օգտագործողի անունները և գաղտնաբառերը ՆԳ նախարարության հանրային հաղորդակցության և իրազեկման (այսուհետ՝ ՀՀԻ) վարչության պետ, ՆԳ նախարարի մամուլի քարտուղարի կողմից թարմացվում են յուրաքանչյուր երեք ամիսը մեկ անգամ.

2) սոցիալական ցանցերի էջերի ադմինիստրատիվ օգտագործողների անունները և գաղտնաբառերը, սոցիալական ցանցերի էջերը շահագործող անձանց պաշտոնները, անունները, ազգանունները, ինչպես նաև դրանց փոփոխությունները հաշվառվում և պահպանվում են ՀՀԻ վարչությունում.

3) սոցիալական ցանցերի էջերի ադմինիստրատիվ օգտագործողի անունները և գաղտնաբառերը սոցիալական ցանցերի էջերը շահագործող անձանց կողմից փակ ծրարով փոխանցվում են ՀՀԻ վարչության պետ, ՆԳ նախարարի մամուլի քարտուղարին, որը մինչև պահպանումը ստուգում է փոխանցված տվյալների իսկությունը՝ մեկ անգամ մուտք գործելով սոցիալական ցանցերի էջեր.

4) սոցիալական ցանցերի էջերը շահագործող անձանց փոփոխության դեպքում՝ նույն օրը, իսկ պաշտոնավարման դադարեցման դեպքում՝ դրա վերաբերյալ իրավական ակտը ուժի մեջ մտելու օրը, ՀՀԻ վարչության պետ, նախարարի մամուլի քարտուղարը կամ նրա հանձնարարությամբ այլ աշխատակից փոխում է սոցիալական ցանցերի էջերը շահագործող անձանց պաշտոնները, անունները, ազգանունները, ինչպես նաև սոցիալական ցանցերի էջերի գաղտնաբառերը.

5) սոցիալական ցանցերի էջերը շահագործող անձանց ժամանակավոր բացակայության դեպքում սոցիալական ցանցերի էջերի ադմինիստրատիվ օգտագործողի անունները և գաղտնաբառերը փոխանցվում են փոխարինող անձին.

3. Սույն հրամանի վերահսկողությունը վերապահել ՆԳ ՀՀԻ վարչության պետ, ՆԳ նախարարի մամուլի քարտուղար Նարեկ Սարգսյանին:

4. Սույն հրամանն ուժի մեջ է մտնում հրապարակման օրվան հաջորդող օրվանից:



Վ. ՂԱԶԱՐՅԱՆ

«15» 03 2024թ.

Ք. Երևան